

# VISCHNAUNCAS/ GEMEINDEN



[www.breil.ch](http://www.breil.ch)

## Damondas da baghegiar

**Nr. 2026/24 (BAB) (2026-422 eBau)**

**Datum da publicaziun: 27 da mars 2026**

Patrun: Gerard Carigiet  
Via Tgariel 22, 7165 Breil/Brigels  
Representanza: Maurus Cathomas AG,  
Via S. Clau Sura 1, 7130 Glion  
Zona: Zona d'agricultura  
Object: Engrondiment anenviars,  
engrondiment dallas finiastras sidvest  
e sidost, spazzada dil tgamin e  
tschentar in niev, esch sidost croda  
naven, niev esch sidvest, renovar la  
pendla, nova lingia electrica,  
remplazzament dil scaldament,  
parcelas 5378, 5447, 5453, Crappa,  
Breil

**Nr. 2026/25**

**Datum da publicaziun: 27 da mars 2026**

Patrun: Marcel Cavegn  
Via Principala 8, 7165 Breil/Brigels  
Representanza: Architectura Tambornino SA, Via  
Principala 44, 7166 Trun  
Zona: Zona dil vitg  
Object: Sutterament dil clavau existent,  
midada da diever: Niev deposit, nova  
porta garascha da lenn el sid, duas  
novas finiastras da lenn egl ost,  
parcella 712, Canal, Breil

**Nr. 2026/26 (2026-505 eBau)**

**Datum da publicaziun: 27 da mars 2026**

Patrun: Andrej + Irena Vckovski  
Brandschenkestrasse 72,  
8002 Zürich  
Zona: Zona da habitar 2  
Object: Sanaziun energetica dil tetg,  
remplazzament da finiastras, baghegiar  
ora il plaun sut il tetg, sanaziun  
interna, sis novas finiastras da tetg,  
midada d'utilisaziun naven da  
surcombras en stanza da habitar, nova  
finiastra ella fatschada digl ost,  
alzament dil tgamin, parcella 3412,  
Sogn Giacun, Breil

**Nr. 2026/27 (2026-568 eBau)**

**Datum da publicaziun: 27 da mars 2026**

Patrun: Reto + Patricia Derungs-Carigiet  
Via Casu, 7164 Dardin  
Representanza: La Planaria GmbH,  
Via Casut 10, 7164 Dardin  
Zona: Zona dil vitg engrondida 2  
Object: Novs balcuns vid la fatschada dil sid,  
marchisas grischas da teila, plattas  
enstagl pastget, renovaziun dil  
tschabergal e dallas marchisas da  
sulegl el plaun sura silla vart dil vest,  
parcella 4314, Casu, Dardin

**Nr. 2026/28 (2026-513 eBau)**

**Datum da publicaziun: 27 da mars 2026**

Patrun: Maurus Tomaschett  
Via Tschuppina 23  
7165 Breil/Brigels  
Zona: Zona da habitar 3  
Object: Plazzar ina garascha, lavurs da  
manteniment vid il conduct d'aua da  
sfundrada, parcella 982,  
Tschuppina Breil

## Protestas:

La damonda da baghegiar ei exponida sin canzlia com-  
munala. L'investa publica cuoza 20 dis dapi il datum da  
publicaziun. Eventualas protestas encunter presenta da-  
monda da baghegiar ein d'inoltrar alla suprastanza com-  
munala enteifer 20 dis dapi il datum da publicaziun.  
*Suprastanza communal Breil*

## La vischnaunca da Breil sin WhatsApp

La vischnaunca da Breil ei era sin WhatsApp.  
Sin nies canal anfleis Vos las novitads actualas.  
*Administraziun communal Breil*

## Die Gemeinde Brigels auf WhatsApp

Die Gemeinde Brigels ist auch auf WhatsApp.  
Auf unserem Kanal werden Sie laufend informiert.  
*Gemeindeverwaltung Brigels*

## INFORMAZIUN PUBLICA: Projects pil svilup dalla vischnaunca da Breil

### Gievgia, ils 16 d'avrel 2026 allas 19.30 uras ella sala da gimnastica a Danis

1. 100 dis en uffeci – ina retrospectiva
  2. Situaziun da partenza pil svilup dalla vischnaunca
  3. Project - nova organisaziun communal
  4. Diversas orientaziuns
- Suenter l'informaziun envida la suprastanza communa-  
la in e scadin ad in pign aperitiv.  
Cordialmein envida *Suprastanza communal*

## Lubientscha da carrar per vias communalas

Las lubientschas da carrar per vias communalas 2026 san  
vegnir empustadas tier la vischnaunca. Nus supplichein,  
sche pusseivel, da far l'empustaziun online sin nossa pa-  
gina d'internet [www.breil.ch/spurtegl](http://www.breil.ch/spurtegl) online/damondas  
e lubientschas/lubientschas da carrar. La lescha corre-  
spondenta ei medemamein sin nossa pagina d'internet.  
Nus supplichein da risguardar che buc tut las vias ein gia  
accessiblas. *Vischnaunca Breil/Brigels*

## Chor Uvriu Danis-Tavanasa

### Invit als concerts

Il Chor Uvriu Danis-Tavanasa envida a nos dus con-  
certs dalla turnea da giubileuem.  
**ils 28.03.2026 allas 20:00** en Baselgia a Danis cun la  
historietta dil Chor Uvriu  
**ils 29.03.2026 allas 14:00** en la Sentupada a Vignogn  
cul Chor mischedau Vignogn  
Mintgamai cun stiva da caffè  
Nus selegrein da Vossa viseta.  
*Il Chor Uvriu Danis-Tavanasa*

## Breil: gruppa d'interess pil cant e la musica en baselgia

Cun plascher communichein nus a vus, ch'il survetsch  
divin da Pastgas vegn uonn embellius musicalmein dal-  
la Societad da muscia Breil-Dardin. La processium tra-  
diziunala da Venderdis-sogn, cun Jesus en bara, ei in  
vegl usit religius cheu a Breil. Nus sestentein da mante-

ner quei usit ed encurren perquei cantaduras e cantadu-  
ras che gidan da cantar il miserere tenor sia melodia tut  
speciala e singulara.

La dumengia, ils 29 da mars 2026, allas 20.00 uras, se-  
rimnein nus en baselgia per far in exercezi.  
Nus quintein cun vies sustegn e selegrein da vossas an-  
nunzias. S'annunziei per plascher tier Gabriela, sut:  
079 660 28 44.

*Per la gruppa d'interess pil cant e la musica en baselgia:  
Cornelia e Gabriela*

## Seniorenmittagstisch

Der von Pro Senectute organisierte Seniorenmittags-  
tisch findet im April am **Montag, 13. April**, im Hotel  
Ucliva in Waltensburg statt.

## Meisa da miezdi a Breil

Pro Senectute Surselva organisescha ensemen cul team  
dil Hotel Kistenpass ina meisa da miezdi a Breil – in-  
agada per meins – mintgamai il mardis. Intent dalla  
meisa da miezdi ei da promover la cuminonza ella veg-  
liadetgna dalla pensiu. Envidai ein tuttas persunas  
dalla vischnaunca da Breil ch'ei ella vegliadetgna dal-  
la pensiu ni stattan avon la sava da quella.  
Liug: Hotel Kistenpass, Breil  
Datum: **mardis, ils 31 da mars 2026**, 12.00  
Annunzias: Ein da far mintgamai gliendisdis tochen las  
18.00 directamein tier Hotel Kistenpass Breil, tel. 081  
941 11 43

## Uniun Samaritana Vuorz / Andiastr

Referat public ils 10. avrel 2026 allas 20.00 uras en ca-  
sa da scola Vuorz.  
Tema: «*Homöopathie bei Verletzungen*»  
Wie setze ich Homöopathie bei Verletzungen ein?»  
Referentin: Corina Seeli, dipl. Homöopathin hfnh HF  
Entrada libra, collecta.  
Referat: *Homöopathie bei Verletzungen*  
Wie setze ich Homöopathie bei Verletzungen ein?

## KMU-Impuls regio:

### Als Unternehmer/-in in der Region engagiert

**Anlass mit Netzwerkapéro, 31.03.2026, Ilanz**  
Siehe unter *Amtliche Publikationen Regiun Surselva*.



[www.disentis.ch](http://www.disentis.ch)

## Damonda da baghegiar

**2026-1012.000 (2026-320)**

**Datum dalla publicaziun: 27 da mars 2026**

Patrun: Vischnaunca Disentis/Mustér,  
Via Cons 2, Caum postal 146,  
7180 Disentis/Mustér &  
Corporaziun d'aua Spina da Vin,  
Caum postal 132,  
7180 Disentis/Mustér  
Representant: ipz ingenieure + planer ag,  
Via Sursilvana 11,  
7180 Disentis/Mustér  
Intenziun: Construcziun nova d'in begl d'aua per  
stizzar fiug  
Parcela: 3012 e 3998  
Adressa: Via Si dall'Aua, 7180 Disentis/Mustér  
Zona: Zona per il sport d'unviern, Zona  
agricola (A)  
Zona da prighel: Zona da grond prighel 1

**Protestas:**

Ils plans da construcziun ein deponi tier l'administracziun communal.

L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 146, 7180 Disentis/Mustér. La protesta sto esser motivada e suttascretta dil recurrent ni da siu representant.

*Uffeci da baghegiar Disentis/Mustér*

**Lubientscha da baghegiar**

L'istanza da baghegiar ha concediu la suandonta lubientschs da baghegiar:

**2026-1007.000**

Remo Lutz, Via Veier 4, 7180 Disentis/Mustér; sanaziun dalla Via Veier, parcelas 986 e 987, Via Veier, 7180 Disentis/Mustér.

**Annunzia da baghegiar**

All'istanza da baghegiar ei sin fundament digl art. 64, alineia 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziat il suadont project:

**Correctura:****2026-2009.000**

A. e P. Chiotopoulos-Decurtins, Via Sontga Gada 1, 7180 Disentis/Mustér; nova coloraziun dils barcuns, parcella 654, Via Sontga Gada 1, 7180 Disentis/Mustér.

**Communicaziun pertuccont la petiziun «Spazi da giugs el Center Fontauna»**

Il fevrer 2026 ei vegniu inoltra ina petiziun per il manteniment dil spazi da giugs el Center Fontauna. La suprastanza communal da Disentis/Mustér ha tractau ed examinau quella enteifer il termin legal.

En connex cun adattaziuns dil baghetg ella halla da sport aunc buc sanada, sin fundament da pretensius supplementaras dalla protecziun encunter fiug, ein adattaziuns organisatorias e da localitads necessarias. En quei connex ha la suprastanza communal decidiu da plazzar il biro da turissem egl avegnir ella zona d'entrada dil Center Fontauna, cun la finamira da rinforzar la visibilitad sco era la preschientscha enviers hosps e visitaders.

Il spazi da giugs existent resta denton vinavon. L'adattaziun prevedida pertucca mo ina part dalla surfatscha actuala; l'utilisaziun per famiglias ed affons resta garantida. Ina serrada dil spazi da giugs ei buc prevedida.

Las mesiras planisadas succedan enteifer il rom dallas investiziuns approbadas dalla sanaziun dil Center Fontauna e surveschan alla segirtad, al menaschi ed al svilup turistic a lunga veda dil Center Fontauna.

La suprastanza communal engrazia allas petizioniarias ed als petizionaris per lur engaschament e per la cooperaziun constructiva.

*Suprastanza communal*

**Cussegl da vischnaunca - Rapport dalla seduta dils 23 da mars 2026**

Gliendisdis, ils 23 da mars 2026 ha giu liug el Center Fontauna la dudischavla seduta dil cussegl da vischnaunca da Mustér per la perioda d'uffeci 2025/2028. Sut l'egida dalla presidenta dil cussegl da vischnaunca Theres Burri Gadola han cusseglieras e cussegliers approbau la revisiun parziala dalla lescha da scola ch'ei vegnida adattada alla nova lescha cantunala da scola ch'ei ida en vigor igl emprum d'uost 2025. Las midadas

pertuccan denter auter igl obligatori da visitar la scoletta e la scola per tuts, l'adattaziun dils onns obligatoris da scoletta e scola e l'integraziun dalla scola da talents. Supplementar ei vegniu fatg adattaziuns dallas competenzas e responsabladads en connex cun il niev uorden da fatschentas per la suprastanza communal e per l'organisaziun operativa dalla vischnaunca.

Plinavon ha il cussegl da vischnaunca concediu in credit da frs. 380'000.- per menar atras ina concurrenza da project per il svilup digl areal da scola da Mustér. Ina part dall'infrastructura da scola a Cons basegna ina sanaziun ni renovaziun completa. Inagada setracta ei cheu surtut dalla scola veglia ch'ei vegnida erigida igl onn 1952 e sanada dapi lu differentas gadas. Da l'autra vart pertucca ei il baghetg dalla scola nova ch'ei vegniu erigiu igl onn 1980 ed ei dapi lu buca vegniu sanau a moda complessiva. Ina studia ch'ei vegnida fatga sin incumbensa dalla vischnaunca per evaluar il potenzial digl entir areal dalla scola ha mussau che la substanza dil baghetg dalla scola veglia ei aunc buna, ferton ch'il baghetg dalla scola nova sesanfla plitost en in schliet stan. La studia, ch'ei vegnida fatga dil biro «architectura tambornino sa», ha priu en mira igl entir areal da scola e muossa ora il potenzial da quel. Ord quella studia han ins priu ora per ina emprema etappa las duas pli impurtontas parts cun in baghetg da scola per la scola populara inclusiv il contuorn persunter e cun la sanaziun dil baghetg dalla scola veglia. Cun il credit concediu vegn menau atras ina concurrenza da project per quella etappa duront il proxim onn. La primavera 2027 duess il planisader ed il preproject esser enconuschents. Silsunter vegn il preproject surluvrau, aschia che la damonda da credit per la planisaziun en detalj e per la realisaziun sa vegnir tractada dil cussegl da vischnaunca igl atun 2027. La votaziun all'urna havess lu liug igl emprum quartal 2028. Ils cuosts totals per igl emprum project parzial cun in baghetg da scola per la scola populara semovan tenor studia denter 12 e 15 milliuns francs.

Sper quellas fatschentas ei il cussegl da vischnaunca vegniu informau sur dalla patinera dil Center Fontauna che sesanfla era en in schliet stan e che basegna ina sanaziun. In'interpresa specialisada ha dau ina survestada entginas variantas per saver mantener la patinera. La fatschenta persunter vegn preparada per tractaziun a caschun dad ina dallas proximas sedutas dil cussegl da vischnaunca.

**Referendum facultativ**

A caschun da sia seduta dils 23 da mars 2026 ha il cussegl da vischnaunca concediu in credit da frs. 380'000.- per menar atras ina concurrenza da project cun la finamira da construir in niev baghetg per la scola populara. Conform ad art. 21 lit. c dalla constituziun communal ei quei conclus da suttametter al referendum facultativ.

Il messadi davart quella fatschenta ei exponiu per investa en casa communal (stanza nr. 10). Enteifer 20 dis dapi la publicaziun officiala han 80 votantas e votants la pusseivlad d'inoltrar il referendum enviers sura conclus e pretender ina votaziun dil pievel.

*Suprastanza communal*

**Serrada da vias communalas**

Per serrar vias communalas temporarmein entras perunas privatas ni fatschentas sco per exempel per motifs da transports ni auters motifs – sto quella intenziun vegnir annunziata agl uffeci d'infrastructura e baghegiar Disentis/Mustér silmeins 14 dis avon. Il formular per la damonda da serrada stat a disposiziun sin nosa pagina d'internet: <https://www.disentis.ch/infrastructura-e-baghegiar/planisaziun-e-baghegiar>

*Uffeci d'infrastructura e baghegiar*

**Lenna da brisch**

Damondas per lenna da brisch ein da far en scret cun emplenir ora il formular online sin la pagina d'internet [www.disentis.ch/uffeci-forestal-e-menaschi-tecnical](http://www.disentis.ch/uffeci-forestal-e-menaschi-tecnical)

Empustaziuns vegnan era pridas encunter gliendisdis entochen venderdis per telefon sut 081 515 14 71.

Suandonts sortiments vegnan purschi:

- lenna rodonda, pégn, liunga ni resgiau en burels
  - lenna fendida, pégn ni fau, differentas lungheziis
- Sin giavisch vegn la lenna era furnida. La lenna vegn messa a disposiziun fin avrel, fin uost ni fin october (empustaziuns individualas sin damonda e cundiziuns tenor offerta).

Lenna sin il tschep vegn mo vendida sche las premissas pertuccont scolaziun minimala da luvriers d'uaul ein garantidas. La cumpra da lenna sin il tschep sto vegnir reglada en in contract da cumpra.

*Uffeci forestal Disentis/Mustér*

**Sanaziun Via Cons - entschatta dallas lavurs**

Las lavurs da sanaziun dalla Via Cons entscheivan ils 7 d'avrel 2026 e vegnan prevedentamein a cuzzar entochen la fin november 2026.

Vinavon eis ei pusseivel, che lavurs da preparaziun per la sanaziun vegnan gia fatgas avon il termin numnu, denton senza impediment da traffic. Nus supplichein il traffic motorisau sco era ils pedunzs da tener en las signalisaziuns da sviament. Las lavurs succedan en etappas, eventualas restricziuns vegnan mintgamai comunicadas via fegl sgulont ni online sin [www.disentis.ch](http://www.disentis.ch). Il moloc sur baselgia ei naven dils 7 d'avrel 2026 buca pli accessibels resp. vegn era buca pli svidaus entochen ca. miez matg 2026. Ei vegn supplicau da dismetter il rumien da casa sco era il veider en in liug alternativ.

**Newsletter**

Per saver garantir che Vos stetties il meglier pusseivel sil current, lein nus bugen tarmetter ils flyers per mail. Tarmettei persunter Vossa adressa da mail entochen miez mars 2026 sin [info@ipz.swiss](mailto:info@ipz.swiss).

Essas Vos buc en possess d'in conto da mail, savein nus secapescha tarmetter a Vos las informaziuns cun posta. *ipz ingenieure + planer ag | Via Sursilvana 11, 7180 Disentis/Mustér | +41 81 943 17 22 | [info@ipz.swiss](mailto:info@ipz.swiss) e Vischnaunca Disentis/Mustér*

**Gievgia, ils 16-04-2026**

Preziadas convischinas, prezias convischins. **La rimnada da pupi d'avrel ei ina gievgia!**

Adatg! Ei vegn mo rimnau: gasettas, illustradas, catalog, cudischs e prospect stampai.

Il pupi sto vegnir deponiu sper via bein visibels. (sche pusseivel in di avon)

Igl ei impurtont da ligiar bein il pupi e da buca far memia gronds pacs. Engraziel.

Nus rimnein buca cartun. Quel sa vegnir deponiu a Raveras igl entir onn ora e buca duront la rimnada.

Bien engraziament per Vies agid e sustegn.

*Nossa Scola populara Mustér*

**Biblioteca Mustér e contuorn****Biblioweekend svizzer 2026**

Neu era ti en biblioteca venderdis, ils 27 da mars 2026 allas 18.30-20.00 uras per dar giugs da leger cun nus. Sin tia viseta selegra

**Pixlar in portaclavs**

Cun pintga tocca da tuttas colurs sas ti pixlar in portac-lavs tenor tiu gust.

**Mesjamna, ils 1 d'avrel 2026** allas 14.00-15.30 uras ella biblioteca.

Nus selegrein da tia viseta

*Il team dalla biblioteca*

**Corporaziun d'alp Russein/Mustér**

**Radunonza generala, venderdis, ils 10 d'avrel 2026** allas 20:00 ell'Ustria Cresta a Segnas

**Tractandas:**

1. Elecziun d'in dumbravuschs
2. Prelecziun ed approbaziun dil protocol dalla radunonza generala dils 22-05-2025
3. Rapport dil president onn da fatschenta 2025
4. a) Rendaquen dil cassier per igl onn da fatschenta 2025 / b) rapport dils revisurs ed approbaziun dil quen
5. Elecziuns perioda 2026-2028 / a) president / b) vicepresident/actuar / c) cassier / d) 2 revisurs da quen ed in substitut
6. Project - Sanaziun infrastruttura en connex cun il schurmetg dallas auas / - Credit supplementar da CHF 15'000.00 per la planisaziun
7. Fixar ils tscheins sils dretgs per 2026
8. Varia

A stedia participaziun envida la suprastanza.

**Corporaziun d'aua Spina da Vin****Invit alla radunonza generala**

mardis, ils 7 d'avrel 2026 allas 20.15 uras en la Stiva Salaplauna, Center Sursilvan d'agricultura, Via Lucmagn 31, 7180 Disentis/Mustér

**Tractandas:**

1. Beinvegni
2. Elecziun da dus dumbravuschs
3. Protocols, approbaziun
4. Rapport dil president
5. Rendaquen, rapport dils revisurs e dar scarica
6. Projects
7. Elecziun dil president
8. Orientaziuns
9. Varia

Suenter la radunonza vegn offeriu in refrestg. Tuttas commembras e tuts commembers ein cordialmein envidai e beinvegni.

*Per la suprastanza,  
il president: Aluis Flepp*

**Uniun da dunnas Disentis/Mustér****Pastgas per affons**

Cordialmein envidain nus tut ils affons tochen 4 onns cun mumma, bab e fargliuns ad ina spassegiada per encurir la lieu da pastgas. Silsuenter vegn aunc offeriu ina pintga marena per tuts.

**Venderdis, ils 10 d'avrel allas 9:30**, liug - infos suondan. Annunzias ein d'inoltrar entochen ils 7 d'avrel tier Justina Blumenthal-Deflorin 076 533 83 46.

Nus selegrein sin vossa viseta! Cordialmein envida  
*L'uniun da dunnas Disentis/Mustér, ressort affons*

**Fiera da resti d'affon**

Nus prendein encunter schuber e manteniun bein resti da stad naven da grondezia 50 entochen grondezia 176, vestgadira da gravidonza, termagls intacts, calzers, sez d'autos e da meisa, crotschas, velos, capellinas eav. Dumnas che drovan ina nova numera, ni han damondas san prender si contact cun Nadja Schmed, tel. 079 546 09 46.

**Dar giu resti: Venderdis, ils 27 da mars 2026** dallas 16.30 entochen allas 17.00 en halla Cons, Mustér  
Adatg: per plascher mintga grondezia da resti separau en ina tastga!

**Vendita: Venderdis, ils 27 da mars 2026** dallas 19.00 entochen allas 21.00 e **sonda, ils 28 da mars 2026** dallas 09.00 entochen allas 10.30 en halla Cons, Mustér.  
Retuorn dil resti buca vendiu e pagament (minus 20%):  
Sonda ils 28 da mars 2026 allas 12.30 entochen allas 12.45.

Per uorden che maunca savein nus surpender negina responsablada.

ADATG! Daniev pagament cun TWINT puseivel  
Nus selegrein sin vossa viseta.

**Kinderkleiderbörse**

Wir nehmen gut erhaltene, saubere und ganze Sommerkleider ab Grösse 50 bis 176 entgegen, Schwangerschaftskleider sowie ganze Spielsachen, Schuhe, Auto- und Tischsitze, Kinderwagen, Velos, Helme usw. Frauen, die eine Verkaufsnummer brauchen oder Fragen haben, können mit Nadja Schmed, Tel. 079 546 09 46 Kontakt aufnehmen.

**Annahme: Freitag, 27. März 2026** von 16.30–17.00 Uhr in der Turnhalle Cons, Disentis  
Achtung: Bitte jede Kleidergrösse separat in einer Tasche!

**Verkauf: Freitag, 27. März 2026** von 19.00–21.00 Uhr und **Samstag, 28. März 2026**, von 9.00–10.30 Uhr in der Turnhalle Cons, Disentis.  
Auszahlung (abzüglich 20%) und Rückgabe: Samstag, 28. März 2026 von 12.30–12.45 Uhr.

Für fehlende Sachen können wir keine Haftung übernehmen.

ACHTUNG! Neu Bezahlung mit TWINT möglich.

Wir freuen uns auf euren Besuch.

*Gruppa d'organisaziun fiera da resti*

**KMU-Impuls regio:****Als Unternehmer/-in in der Region engagiert****Anlass mit Netzwerkapéro, 31.03.2026, Ilanz**

Siehe unter *Amtliche Publikationen Regiun Surselva*.



[www.falera.net](http://www.falera.net)

**Serrada trapass Via Fancrengia – Plaz Gliendras**

Muort las lavurs da construcziun vid la casa d'ina famiglia (Arpagaus Bearth) resta la colligiaziun denter la Via Fancrengia – Plaz Gliendras duront il temps dils **30-03-2026 entochen ils 08-06-2026** serrada. La serrada ei necessaria ord motifs da segirtad. Il temps da bloccada exacta sa semidar tut tenor il progress da construcziun. Risguardai per plascher las signalisaziuns.

Nus engraziain per Vossa capientscha. *La direcziun*

**Sperrung Durchgang Via Fancrengia – Plaz Gliendras**

Wegen der Bauarbeiten für das Einfamilienhaus (Arpagaus Bearth) wird der Verbindungsweg zwischen der Via Fancrengia und Plaz Gliendras vom **30.3.2026 bis 8.06.2026** gesperrt. Die Sperrung ist aus Sicherheitsgründen erforderlich.

Die genauen Sperrzeiten können sich je nach Baufortschritt ändern. Bitte beachten Sie die Signalisationen.  
Wir danken für Ihr Verständnis.

*Die Geschäftsleitung*

**Zona da ruuas Gonda**

En coordinaziun cul uffez da chatscha e pesca sa la zona da ruuas per la selvaschina «Gonda» muort la vegetaziun avanzada vegnir abolida gia sil **1. d'avrel 2026**.  
Bien engraziament per enconuschientscha.

*La direcziun*

**Wildruhezone Gonda**

In Abstimmung mit dem Amt für Jagd und Fischerei kann die Wildruhezone «Gonda» aufgrund der fortgeschrittenen Vegetation bereits auf den **1. April 2026** aufgehoben werden.

Besten Dank der Kenntnisnahme *Die Geschäftsleitung*

**Preavis sanaziun dalla Via Samun - Via Prau da Cuort**

Ils 7 d'avrel 2026 continueschan las lavurs da construcziun en connex cun la sanaziun dallas vias a Falera (part Via Samun - Via Prau da Cuort).

Ils possessurs pertuccai ed habitonts vegnan informai aschi spert sco puseivel sur dils termins, menaschi e sviaments. Plinavon vegnan tuttas informaziuns cun program da construcziun era publicai sin nossa pagina d'internet [www.falera.net](http://www.falera.net)

Nus supplichein per capientscha ed enconuschientscha  
*La suprastanza communal*

**Vorinformation zur Strassensanierung Via Samun - Via Prau da Cuort**

Am 7. April 2026 werden die Bauarbeiten im Zusammenhang mit der Strassensanierung Falera der Via Samun - Via Prau da Cuort fortgesetzt.

Die betroffenen Eigentümer und Anwohner werden zeitnah schriftlich über Termine, Ablauf und Umleitungen informiert. Des Weiteren werden sämtliche Informationen mit Bauprogramm auch auf unserer Homepage [www.falera.net](http://www.falera.net) abrufbar sein.

Wir bitten um Verständnis und Kenntnisnahme

*Der Gemeindevorstand*

**Canzlia communal - Temps d'avertura sur Pastgas**

La canzlia communal resta serrada naven da **venderdis, ils 3 d'avrel 2026 entochen e cun gliendis Pastgas, ils 6 d'avrel 2026**.

Nus supplichein per enconuschientscha e giavischein a tuts bialas Pastgas. *Administraziun communal*

**Gemeindekanzlei - Öffnungszeiten über Ostern**

Die Gemeindekanzlei bleibt von **Freitag, 3. April 2026, bis und mit Ostermontag, 6. April 2026**, geschlossen.

Wir bitten um Kenntnisnahme und wünschen allen schöne Ostern.

*Gemeindevverwaltung*

**la fermata Falera****Occurrenz/Veranstaltungen**

Vorverkauf/Prevendita: [www.lafermata.ch](http://www.lafermata.ch)  
**2026**

*December/Dezember*

27 Vernissascha expositiun d'art

29 Concert festiv / Orchesterkonzert

**2027**

*Schaner/Januar*

02 Märchentheater Fidibus

*Fevrer/Februar*

06 Forever Young Shake Company

13 Claudio Zuccolini «Der Vorsorger»

14 Kindermusical

**KMU-Impuls regio:****Als Unternehmer/-in in der Region engagiert****Anlass mit Netzwerkapéro, 31.03.2026, Ilanz**

Siehe unter *Amtliche Publikationen Regiun Surselva*.